

invierno

nel Botánico



PROGRAMA
D'ACTIVIDADES 2025

xixón

Jardín Botánico
Atlántico

iviernu

nel Botánicu

L'iviernu ye'l momentu nel que la naturaleza descansa y se prepara pa volver con fuerces en primavera. Pero mientres la Naturaleza reposa y el tiempu paez que se ralentiza, nel **Xardín** aprovechamos pa facer aquellos labores mas delicaos y que pueden interferir coles visites, y trabayar nes condiciones de calma, accesibilidá y seguridá afayadices. Por eso esti añu decidimos que l'apertura al públicu demientres el mes de xineru seya de vienres a domingu y afrontar el restu del añu con horarios ampliaos.

La Naturaleza pue paecer dormida, pero hai cambios constantes que van faciéndose adules más evidentes: dalgunes flores van apaeciendo, los árboles van echando fueyes, los insectos aprovechen los díes de sol pa salir... Un paséu pel **Botánicu** n'iviernu ye un descubrimientu continuu pa les persones que saben observar.

Y si esto fuera poco, **tolos fines de selmana** hai actividaes, dalgunes más de manualidaes, otres mas artístiques, y otres centraes na xardinería como'l taller de poda.

En resume, un iviernu pa tolos públicos.

invern

nel Botánicu

XINERU

FEBRERU

MARZU



Axenda XINERU



SÁBADU, 11 DE XINERU de 11 a 14 h. | PERSONES ADULTES

Arte y discapacidá: Visión colectiva

Taller dirixíu a persones adultes con discapacidá. Nesti taller vamos explorar la fotografía instantánea dende una perspectiva artística y esperimental. Les y los participantes van facer retratos con una cámara Polaroid y, a partir de les sos propies fotos, van crear piezas únicas al traviés de la intervención manual. Vamos usar distintas técnicas como'l dibuxu, la pintura y l'adición d'elementos naturales sobre les imáxenes, permitiendo que cada participante personalice'l so retratu y creando una pieza conxunta al traviés del *collage*.

Pónlu: Colectivo Berde y Alex Loredo.

DOMINGU, 12 DE XINERU de 10.30 a 12.30 h. | XENERAL

Les aves del Botánicu

Los segundos domingos de cada mes vas poder disfrutar d'una visita mui especial pa conocer y deprender a identificar les más de 90 especies d'aves que viven y añeren nesti espaciu. *Actividá incluyida cola entrada al Botánicu. Inscripción previa en 985 185 130.*

Guía: Colectivu Ornitolóxicu "Carbayera del Tragamón".

SÁBADU, 18 DE XINERU de 12 a 14 h. | PERSONES ADULTES

Tinta, brotu y color

Averamientu al usu de la tinta al traviés de distintos procesos dando importancia a la mancha como elementu evocador d'atmósferes. Les persones yá avezaes van poder ellaborar obres más complexes probando papeles y trabayando'l tema de la viesca y los sos árboles. Ye recomendable acudir al taller con bata o ropa negro.

Pónenlu: **Verónica G. Ardura** y **Cristina Moneo**.

DOMINGU, 19 DE XINERU de 12 a 14 h. | FAMILIAR (> 6 años)

Tinta, brotu y color

Averamientu al usu de la tinta al traviés de distintos procesos dando importancia a la mancha como elementu evocador d'atmósferes. Les persones yá avezaes van poder ellaborar obres más complexes probando papeles y trabayando'l tema de la viesca y los sos árboles. Ye recomendable acudir al taller con bata o ropa negro.

Pónenlu: **Verónica G. Ardura** y **Cristina Moneo**.



Axenda XINERU



SÁBADU, 25 DE XINERU de 12 a 14 h. | PERSONES ADULTES

Taller persones adultes: Vida en tu vida

Prometímospvos repetir esti taller en vista de la bayura de solicitúes de participación el pasáu mes d'ochobre y equí vuelve Charo Cimas col so taller de cerámica. Aprovechamos estos díes d'iviernu pa preparar tiestos nuevos pa les nuestres crases. Encántennos les suculentes y hai un montón de variedaes, conque nesti taller, vas poder facer un contenedorín con lloza y decoralu como más te preste. Vas poder usar calques cerámiques, chamota (piedruques pequeños), imprimir detalles como fueyes o testures de madera, sellos... Depués de más o menos un par de selmanes, vas poder recoyer les tos obras yá cocíes, nel mesmu Xardín Botánicu. Y disfrutar d'estes plantes tan prestoses nel so tiestu nuevu.

Pónlu: [@charo_cimas](#)

DOMINGU, 26 DE XINERU de 12 h a 14 h. | FAMILIAR (> 6 años)

Taller familiar de cerámica: Vida na to vida

Aprovechamos estos díes d'iviernu pa preparar tiestos nuevos pa les nuestres crases. Encántennos les suculentes y hai un montón de variedaes, conque nesti taller, vas poder facer un contenedorín con lloza y decoralu como más te preste. Vas poder usar calques cerámiques, chamota (piedruques pequeños), imprimir detalles como fueyes o testures de madera, sellos... Depués de más o menos un par de selmanes, vas poder recoyer les tos obras yá cocíes, nel mesmu Xardín Botánicu. Y disfrutar d'estes plantes tan prestoses nel so tiestu nuevu.

Pónlu: [@charo_cimas](#)

XUEVES, 30 DE XINERU a les 19 h. | ANTIGUA ESCUELA DE COMERCIU

De charra col Botánicu: Botániques, les científiques semen ciencia


La participación de les muyeres na prestosísima ciencia botánica ye un fechu tradicionalmente infravaloráu. Les aportaciones de muyeres como Maria Sibylla Merian, Alice Eastwood o Emma Lucy Braun, ente munches otres, con estudios qu'impulsaron y arriquecieron les bases de la botánica profesional, van ser les protagonistas d'esta charra, na que vamos demostrar que «la ciencia sí ye cosa de muyeres», y que pali pali va saliendo a la lluz un númberu ablucante de científiques con un trabayu mui bultable qu'evidencia'l sesgu androcéntricu claru presente nel discursu científicu y biolóxicu.

Entrada llibre hasta completar aforu.




Axenda XINERU

Ponente: **Carolina Martínez Pulido**, ye doctora en Biología y foi profesora titular de la Universidad de La Laguna, especializándose en biotecnología forestal. Tien bien d'estudios y llibros sobre muyeres y ciencias. Gallardonáronla col Premiu al *Meyor Trabayu d'Investigación del Institutu Canariu de la Muyer* nel 2000, col *Premiu Nacional Carmen de Burgos* otorgáu pola Universidad de Málaga, y col *Premiu del Institutu Universitariu d'Estudios de les Muyeres* en 2018. Forma parte de la Asociación de *Muyeres investigadores y teunólogos* (AMIT), y collabora col blog *Mujeres con Ciencia* de la UPV.



invern

nel Botánicu



Axenda FEBRERU



SÁBADU, 1 DE FEBRERU de 12 a 14 h. | PERSONES ADULTES

Arte floral

Güei vamos prauticar el manexu básicu de la composición eliminando l'elemento principal, que son les flores. D'esta forma van manexase conceutos como l'equilibriu, la testura, el brillu, etcétera, ensin la distorsión del color que normalmente apurre la flor. De camín al aula vamos paranos na observación de los árboles y matos pa rellacionar les formas naturales colo que vamos crear nes nuestres composiciones. Pónlu: [Sergio Santurio](#).

DOMINGU, 2 DE FEBRERU de 12 a 14 h. | FAMILIAR (> 8 años)

Arte floral

Güei vamos prauticar el manexu básicu de la composición eliminando l'elemento principal, que son les flores. D'esta forma van manexase conceutos como l'equilibriu, la testura, el brillu, etcétera, ensin la distorsión del color que normalmente apurre la flor. De camín al aula vamos paranos na observación de los árboles y matos pa rellacionar les formas naturales colo que vamos crear nes nuestres composiciones.

Pónlu: [Sergio Santurio](#).



SÁBADU, 8 DE FEBRERU de 11 a 14 h. | PERSONES ADULTES

Arte y discapacidá: 7,83 Hz

Taller dirixíu a persones adultes con discapacidá. El nuestru vocabulariu ta estráu d'acciones inspiraes nel mundu animal y vexetal (enraigonar, añerar, rumiar, bufar, tronar, camuflar...). Esti taller axunta la pallabra, la música, otros soníos de la naturaleza y les artes plástiques, toos ellos recursos espresivos que van permitinos trazar la cartografía d'una salú mental en sintonía colo natural. *#musicoterapia #artesespresives #ecollinguaxe*

Pónlu: Colectivo BERDE con Pablo Charcos y Ángela Nachón Talens.

DOMINGU, 9 DE FEBRERU de 10.30 a 12.30 h.

Les aves del Botánicu

Los segundos domingos de cada mes vas poder disfrutar d'una visita mui especial pa conocer y deprender a identificar les más de 90 especies d'aves que viven y añeren nesti espaciu. *Actividá incluyida cola entrada al Botánicu. Inscripción previa nel T. 985 185 130.*

Guía: Colectivu Ornitolóxicu "Carbayera del Tragamón".

Axenda FEBRERU



SÁBADU, 15 FEBRERU de 12 a 14 h. | PERSONES ADULTES

Cosmética vegana

Nesti taller vamos averanos al mundu de la cosmética natural, basada n'ingredientes de orixe vexetal, mineral y química verde, y ensin xeneración de residuos tóxicos. Depués d'unes nociones téuniques breves nes que vamos descubrir les propiedaes d'estos ingredientes naturales, cada participante va elaborar los sos propios productos que va llevar pa casa al rematar el cursu. Van facese tres práutiques: champú sólido, bálsamu y desodorante corporal.

Pónlu: Luis Sánchez, de [oleumjabones](#).



SÁBADU, 22 DE FEBRERU de 12 a 14 h. | PERSONES ADULTES

Poda de frutales

Pa conseguir que los nuestros frutales crezan sanos y dean bonos frutos ye necesaria una bona técnica de poda. Nesta charra-taller vamos conocer los principios básicos de la poda, van esplicanos como afeuta la poda a los árboles y los cuidaos fitosanitarios antes y depués. Tamién vamos intentar desterrar mitos sobre la poda, les ferramientes que necesitamos y como facer una poda de formación y de fructificación.

Pónlu: Luis M. Zahonero (Biólogo y propietariu de *viveros La Resqueta*).



DOMINGU, 23 DE FEBRERU de 12 a 14 h. | FAMILIAR (> 4 años)

Del jardín al botiquín

L'usu curativu de les plantes ye tan antiguu como la humanidá. Vamos conocer dalgunes d'estes plantes medicinales, les sos propiedaes y los productos que podemos preparar con elles. Vamos entamar dando un paséu pel xardín pa identificalos y descubrir el so color y la so testura. Darréu vamos trabayar nel nuestro "llaboratoriu", preparando dalgunos remedios cenciellos al algame de les families: sales de bañu, alcohol de romeru, infusiones curatives o saquinos relaxantes.

Pónlu: Jarana05.



Axenda FEBRERU



MIÉRCOLES, 26 DE FEBRERU a les 19 h.

ANTIGUA ESCUELA DE COMERCIU

De charra col Botánicu: LUR Garden, remate d'una trayectoria profesional del paisaxista Iñigo Seguro



Nesti alcuentru, Iñigo Seguro va falanos de la so trayectoria profesional nel mundu del paisaxismu. Partiendo de les referencies artístiques y étiques que moldearon el so pensamientu, va facer un percorríu curtiu per dalgunos de los sos principales proyeutos paisaxísticos pa terminar esplicando en detalle los pormenores de LUR Garden, un xardín de xardinos allugáu n'Oiartzun (Gipuzkoa), onde Iñigo pasó 10 años de la so vida creado coles sos manes y afondando na so relación coles distintes estétiques xardineres adaptaes al clima atlánticu. *Entrada llibre hasta completar aforu.*

Ponente: **Iñigo Seguro Arregui**, ye inxenieru téunicu agrícola (Pamplona) y arquitectu paisaxista (Edimburgu). Conoció como xardinero del míticu programa televisivu *Bricomanía*, Iñigo crea xunto al so sociu Juan Iriarte, l'estudiu *LUR Paisajistik*. Na so trayectoria profesional diseñó bien de parque públicos en Donostia y munchos xardinos privaos na vertiente atlántica d'Euskal Herria. En 2012 entama la construcción de *LUR Garden*, un xardín temáticu impresionante qu'abre al públicu nel añu 2020.

Más info: [Lur Garden](#)

[@inigo_seguro_arregui](#)

[@lurgarden](#)



invern

nel Botánicu

XINVERU
FEBBERU
MARZU



Axenda MARZU

SÁBADU, 1 DE MARZU de 11 a 14 h. | PERSONES ADULTES

Impresión botánica

Vamos descubrir cómo fueyes y flores pueden dexar buelga nos texíos. Vamos identificar nel Xardín el material vexetal col que vamos trabayar, pa recolectalo siempre de manera responsable. Vamos deprender a facer el nostru propiu herbariu y otres téuniques de conservación pa disponer de fueyes y flores mientras tol añu coles que vamos estampar les prendas (camisetes, pañuelos...) que vamos poder vestir. El públicu participante va facer una bolsa d'algodón estampada con fueyes del botánicu. Nun ye necesaria esperiencia previa.

Pónlu: Alba Rueda [@provatosheep](#)

DOMINGU, 2 DE MARZU de 11 a 14 h. | FAMILIAR (> 6 años)

Impresión botánica

Vamos descubrir cómo fueyes y flores pueden dexar buelga nos texíos. Vamos identificar nel Xardín el material vexetal col que vamos trabayar, pa recolectalo siempre de manera responsable. Vamos deprender a facer el nostru propiu herbariu y otres téuniques de conservación pa disponer de fueyes y flores mientras tol añu coles que vamos estampar les prendas (camisetes, pañuelos...) que vamos poder vestir. El públicu participante va facer una bolsa d'algodón estampada con fueyes del botánicu y el públicu infantil, amás, va llevar pa casa'l so propiu herbariu ellaboráu cola téunica d'impresión "hapa zome". Nun ye necesaria esperiencia previa.

Pónlu: Alba Rueda [@provatosheep](#)

SÁBADU, 8 DE MARZU de 11 a 14 h. | PERSONES ADULTES

Arte y discapacidad: Hilos, raíces y emociones

Pa conmemorar el *día Internacional de la muyer*, esti taller ta dirixíu a muyeres de cualesquier edá con discapacidá. Propuesta de xuegu y creación a partir de materiales orgánicos como filos de llana, llenzos de llinu natural y bastidores de madera. Va plantegase a les participantes un repasu peles emociones básiques y van amosase exemplos de comunidaes de muyeres nes que'l filu y el bordáu fueron de forma tradicional un recursu espresivu emocional col que contar histories ensin pallabres. Va proponese una intervención de fotografíes con filu y un diálogu sobre les emociones evocaes, promoviendo asina l'autoconocimientu al traviés del procesu creativu. Un espaciu onde deprender, crear, compartir y coneutar colos raigaños.

Pónlu: Colectivo BERDE cola psicóloga Covadonga Cadrecha.

Axenda MARZU



DOMINGU, 9 DE MARZU de 10:30 a 12:30 h. | XENERAL

Les aves del Botánicu

Los segundos domingos de cada mes vas poder disfrutar d'una visita mui especial pa conocer y deprender a identificar les más de 90 especies d'aves que viven y añeren nesti espaciu. *Actividá incluyida cola entrada al Botánicu. Inscripción previa nel 985 185 130.*

Guía: Colectivu Ornitolóxicu "Carbayera del Tragamón".

SÁBADU, 15 DE MARZU de 11 a 14 h. | PERSONES ADULTES

Ye tiempu de... brotos y xerminaos

El calendariu diz que tovía tamos n'iviernu, pero pa la Naturaleza la primavera yá aportó. Los brotos son los crecimientos nuevos de les plantes, y per onde miremos vamos ver tallos nuevos, fueyes y yemes que xurden de les plantes. Además d'esquisitos, son ricos en nutrientes, fáciles de dixerir y baxos en caloríes. Amás pueden consumise n'ensalaes, sándwiches, batíos y más.

El nuestro menú gastronómicu compónse de:

- Ente pan de xerminaos.
- Brotos verdes en tempura cola so salsa romescu.
- Esponxosu de llima y maracuyá con remolacha.

Al acabar el taller vamos probar tolo que cocinamos.

Pónlu: [Escuela de cocina Kokomo @kokomococina](#)



DOMINGU, 16 DE MARZU de 11.30 a 14 h. | FAMILIAR (> 6 años)

Cocina cola güerta de temporada

Llega l'iviernu y el campu asturianu dionos los sos frutos. Vamos cocinar un menú basáu en vexetales cultivaos pola propia Pilar que va incluyir una ensalada de coliflor y un bombón de carne a la xardinera. Vamos acompañar el nuestro menú de temporada con un postre sorpresa deliciosu. Lo cocinamos vamos llevalo pa casa.

Importante:

- Trayer envases pequeños pa llevar el menú.
- Nun se necesita trayer envase pal postre.
- El menú contién lleche y gluten. Rogamos que comuniquéis enantes al Botánicu alerxes o intolerancias.

Pónlu: Pilar Vega, de [Desfaciendo Maíz](#).



Información Xeneral

Aforu limitáu en toles actividaes.

Actividaes familiares: máximu 2 persones adultes por cada menor.

Más información nel **985 185 130**.

PRECIOS

- Talleres pa persones adultes: 10 €
- Talleres familiares: 6 € (5,10 € pa los/les menores que seyan socios/es *Club Miruéndanos*).
- Visites guíaes *Les aves del Botánicu*: de baldre col preciu de la entrada al Botánicu.

INSCRIPCIONES (a partir del miércoles 3 de xineru a les 10 h.)

- Talleres (necesariu DNI) en **Cursos Especiales**
- Visites guíaes *Les aves del Botánicu*: nel **985 185 130**.

PAGOS

- El plazu pal pagu de l'actividá ye de 1 día dende la fecha d'inscripción.
- Nun s'almiten cancelaciones nin devoluciones sacante anulación de l'actividá per parte de la organización.

INFORMACIÓN IMPORTANTE PA LES INSCRIPCIONES

- Talleres familiares: nel casu de menores que nun tengan DNI, pueden inscribise col númberu d'una persona adulta (que nun tea yá matriculada na actividá), siendo necesario contautar dempués col Botánicu, nel tfnu **985 185 130**, p'avisar y dar los datos del/de la menor.
- Ye necesario inscribir de forma individual a caúna de les persones (tanto adultes como menores) que quieran participar na actividá.
- N'acabando'l procesu d'inscripción a les actividaes y depués de facer el pagu, la plaza va apaecer como CONCEDIDA y va tener un númberu de solicitú asignáu. Si la so plaza apaez EN RESERVA quier dicir que quedó en llista d'espera. Si hubiere una baxa, contautaríamos con esi llistáu per orde rigurosu d'inscripción.

NORMES: el públicu inscritu ha presentase 10 minutos enantes de l'actividá.

Xixón



botanico.gijon.es

@jbatlantico